

## አስመራ ዲድ መውልድ አ'ክቢ እብ ነደረት ተዐዩደ



ዲድ መውልድ አ'ክቢ ሰነት 1446 ህጅርዩ፣ የም 12 ረቢዕ አልአወል በህለት 15 ሰብተምብር 2024 እብ ደረጃት ወጠን እብ ነደረት ተዐዩደ።

አቡር ሐጂ ማሕሙድ ታሪካይ አድደናት ክምሰልሁም ልእኩት ወአህመዩት ናይላ ዲድ ለከሰስ እንዴ ሸርሐ ናይ አሰናይ ደሐን መጽእኩም ከሊሙት ቀደመ።

ተምነው። ሽክ ሳልም እንዴ አትሉ፤ እት ቀበት ዐድ ወካርጅ ለህለ ሸዑክ ኤራትርዩ ምሰል ቅዋት ድፍዑ አሰናይ ሐቀለ ቤሉ፤ ዓፎ፣ ሳዳይት፣ ሰን ክምሰልሁም ግድግም እግል ንሰዴ ሐቀለ አትፈቀደው፤ ራቢ ምን ክሉ እግል ልሐጅበነ ሰኔት ትምኔቶም ሸርሐው።

ለመናሰበት፣ ደረሰ ክላው መክተብ እፍታእ አስመራ ወብዕዳም መጅምዕ ለቀደመዎ እነሹድ ነደረት ዐለት።

እት አስመራ ጃምዕ አልኸላፋእ አልራሽዲን ውዘረእ ሰብእቶም ውቁላም ሰብ-ሰልጠት ሕክሙት ወጀብህት፤ እት ኤራትርዩ ለመርካዞም ሰፋራ-እ ወዲፕሎማሲዩን ክምሰልሁም ማርሐት ዲን ክሰታን እተ ሐድረወ መናሰበት ርኢስ አውቃፍ መዲነት አስመራ አሰይድ

ሙፍቲ ኤራትርዩ መውላነ ሽክ ሳልም ኢብራሂም አልሙኸታር እብ ጀህቶም፣ ገናዐት እብ ረከቡሁ ክምሰልተ፣ እብ ረከቡዩ ለልአገንዕ አዳም ህዬ መስኩብት ክም ረክቡ፤ ነቢ መሐመድ ሰለላሁ ዐልዮሂ ወሰልም እብ ሀቤናቱ ምህር “ረቢ እብ ረከብናህ ገናዐት እግል ለሀበነ”

## ርኢስ ኢሳይያስ፡ እግል ወዘር ካርጅዮት መሰር እንዴ ትክበተ ህድገ ምሰሉ



ርኢስ ኢሳይያስ አፈወርቄ፡ የም 13 ሰብተምብር፡ እብ ወዘር ካርጅዮት ዶ'ር በድር ዑብዱልዓጢ ለትመርሐ ውቁል ልኡክ ጅምሁርዮት መሰር፡ ዲብ መትክብ፤ ጋሽ ደንደን እንዴ ትክበተ ህድገ ምሰሉ።

እትሊ ክፋል ናይላ እት ፍንጌ ሰብ-መዝ ክልኢተን ለደውለት ዲብ አስመራ ወካይር ለገብእ ናይ ጎማት ህድግ፣ ዲብ ዕላቀት ክልኢተን ለደውለት ወአህምዮት ሕበር እትላ ህለ ዲብ ናይ መንጠቀት ቅደይ እብ ዓመት፣ ተጠውራት ሶዳን፣ ሶማል ወአምን መንጠቀት በሐር ቀየሕ ህዬ እብ ፍንጅይ ህድገው።

ርኢስ ኢሳይያስ ወዶ/ር በድር ዑብዱልዓጢ ዲብ ህድግም፡ አተረዶት ዕላቀት ኤራትርዩ ወመሰር ምን አግደ ዐዋሚድ ሰላም ወመስኩብት ናይ እለ መንጠቀት ክምቲ እንዴ ትፈህመ፡ ዲብ መጃላት እቅትሳድ፡ ሰደሰት፣ ተጃረት፣ ሐርስ ጣቀት ወዓፍዮት ለህለ መትሰዳዳይ ዲብ ለትወቀለት ደረጃት እግል ልብጸሕ ዲብ መፋህመት በጽሐው።

ዲብላ ህድግ፡ መሰር እትላ መንጠቀት ለገብእ ናይ መትአታይ ልግባእ ወአምን ናይ ሐምረጎት አጃንደት ክም አለቤ እብ ገሌ ጀህት ለልትህዩብ ሸሬሕ ወለልትቀደም ሸክዋት ህዬ ለወደወ ሰትራቲጅዶይ አክጣኦት እግል ገልበቦት ለአመመ አዋይን ምን ግብአት እንዴ ሐልፈ፡ ተርጀመት ብዕደት ክም አለቤ ፈህመው።

ወዘር ካርጅዮት መሰር ዶ/ር በድር ዑብዱልዓጢ እግል ወሳእል እዕላም ኤራትርዩ እትላ ቀደመዩ ከሊሙት፡ ርኢስ ኢሳይያስ፡ ታሪክ ወተጠውራት ናይ እለ መንጠቀት ለከሰስ ፈህም-ሰኒ ሰበት ቡ፡ ለህድግ እትላ ወቅት እለ ግብአቲ፡ ፋኢደት ለቡ ወቤንዶይ ክምቲ ሸርሐ።

ዲብላ ህድግ፡ እብ ጀህት ኤራትርዩ ውዘር ካርጅዮት አሰይድ ዑሰማን ሳሌሕ፡ እብ ጀህት መሰር ህዬ እብ ደረጃት ወዘር መሰሉል አምን ወጠን ዐባስ ካምል ወሰፊር መሰር ዲብ ኤራትርዩ መሐመድ ሐትም አልጎጠዩ ሐድራም ዐለው።

## ኤራትርዩ ወደውለት ሰይንት ሉቃስ ዕላቀት ዲፕሎማሲዮት ለአሰሰ



ኤራትርዩ ወእት ምውዳቅ ጽሓይ ካራብያን ለህሌት ደውለት ሰይንት ሉቃስ የም 16 ሰብተምብር ረሰምዮት ዕለቀት ዲፕሎማሲዮት አሰሰዮ።

ቅራን አሰይደ ሶፍዩ ተሰፋ-ማርያም ወእብ ጀህት ደውለት ሰይንት ሉቃስ ሳብተት ሰፊረት እት ምጅልሰ ቅራን ሰፊረት መኒሰ ራምባሊ ፈረመያህ።

ዲብ ሳብተት መክተብ ማሰዮን ኤራትርዩ እት መዝመት ምጅልሰ ቅራን እተ ገብአት ዓደት፣ ዕላቀት ክልኢተን ለደውል ለተአተርድ ንዮት ወገለድ ለልአከድ ወሳይቅ ትፈረመ።

እተ ሙናሰበት ሰፊረት ሶፍዩ ወሰፊረት መኒሰ፡ እለ ሐዳሰ ሸራከት እለ፣ እት ሙሰተቅበል ለሌሰ ፈህም ተእሪክ ሕድ፣ ዓዳት ወዐሽም ለትወድሕ ክምተ፣ ክምሰልሁም እት ሙሰታቅበል ለትትጠወር ዕላቀትላ ድወል፡ አግደ ህዬ ተጃረት፣ ተዕሊም።

ሰደሐት ወዐማር በክት ለትክልቅ ክምተ ሸርሐዮ።

ለወሰቀት እብ ተወሳክ፡ እት መዝመት ምጅልሰ ቅራን ወእድንዶይ ጋራት ለህለ መትሰዳዳይ ክልኢተን ዶር ዐቢ ክምቡ አትአመረዮ።

## ሐብሬ እግል መአሰሳት ብሕቶት

እብ አሳስ አዋጅ ዕልብ 128/2002፡ ሰመሕ ርከስ መአሰሳት ብሕቶት እግል ሐቲ ሰነት እተይ ማል (ምን 1 ጃንዋሪ አስክ 31 ዲሰምብር) ሸቄ። እተ ተ'ሌ ሰነት፡ እተ ሰልፋ-የም 6 ወሬሕ እምበል ቅራሙት፡ እተ ተ'ሌ 6 ወሬሕ ህዬ እብ ቅራሙት እግል ልትጀደድ ቡ። ምን እለ ወኪን እምበል ለገብእ ሰብብ ፍሁም ደንገረ ምን ገብእ ላኪን፡ ለርክሰት ትትሸጠብ። እብ አሳስ እለ፡ ኩሎም ለከሰሶም ሰብ መአሰሳት ብሕቶት፡ እለ ተ'ሌ ሐብሬ እት ሕሳብ እንዴ አተው፡ ለልአትሐዘዮም ወራታት አጃዳድ አው ሸጢብ ርከስ መአሰሳት ብሕቶት እግል ለደው ነአትፋቅድ።

- ምን ሰነት 2016 አስክ 2018፡ ለወደቀ ሰመሕ ርከስ
  - እትለን ለትህደገዩ ሰኖታት ለወደቀ ርከስ መአሰሳት ብሕቶት፡ አስክ ደንግብ እለ ሰነት ጎነ በህለት ሰነት 2024 እግል ልትጀደድ በክት ህዩብ ህለ። እትላ ሰነት ጎነ ለኢትጃደደ ርከስ መአሰሳት ብሕቶት ላኪን ክም ሸጡብ ልትሐሰብ።
  - ቀደም ሰነት 2016 ለወደቀ ውሐዲስ ኢልትህዩብ እንዴ ትብህለ እግል ዶሉ ሸቄ ለጸንሐ (እብ ካሰት እት አቅሊም ምግብ) እብ ዋሉቅ ልትጀደድ ለጸንሐ ርከስ መአሰሳት ብሕቶት ክም (ባራት፡ ውካላት ሰፊር፡ አካናት ኬክ፡ ከደማት ኢንተርኔት ውበዕድ)፡ አስክ ደንግብ እለ ሰነት ጎነ በህለት ሰነት 2024፡ ሐቆም ኢትጀደድ፡ ክም ሸጡብ ልትሐሰብ።
- ሸጡብ ለትብህለ ርከስ መአሰሳት ብሕቶት፡
  - እለ ክም ሸጡብ ልትሸረሕ ለጸንሐ ርከስ መአሰሳት ብሕቶት፡ ሰብኡ ለልአትሐዜ አትጫራይ ደራይብ ሕክሙት እንዴ ወደው፡ ዲብ መክተብ ሰመሕ ርከስ እንዴ መጽአው፡ ሰጅላቶም እንዴ ደብአው፡ ናይ ሸጡብ ሸሃዳት እግል ልንሰእ ወጅብ።

ወውቲ እግል ገቢል!  
ውዛረት ትጃረት ወሰናዐት  
16 ሰብተምብር 2024  
አስመራ














# ፍሬ ካድም



## ደውለት ኤረትሮፕ ውዛረት ሐርስ ሰንዱቅ ቆፎ ዔማት መርህዮ እተይ መዐር



መዐር ምራቅ ክሉ ለለአጅብብ ፈርያት ቱ። ምናተ ክል ነፈር እብ ቀሊል እግል ልርከቡ ኢቀድር።

### ሰንዱቅ ቆፎ፦

- ዲብ መደት ሐጫር እግል ክሉ ሸዑብ ለከፊ መዐር ዲብ አፍረዮት ተረት ዛይደት ለቡ ጅንስ ቆፎ ቱ።
- ዲብ ባካትን ምን ህለ አሸየእ ክም፦ ጨፌፊ፡ ትርብት ሰኔት፡ ሰልሰሊ፡ ከዐሌ ወለመሰሉ አሸየእ እብ ቀሊል ልትሸቁ።
- ምን አሸየእ ጠቢዐት ለትሸቀ ሰብት ቱ፡ እብ ንህብ ምን ቅያስ ወለዐል ፍቱይ ጅንስ ቆፎ ቱ።
- ዲብ ወራታት ተዋብ ንህብ እግል ልሻርክ ለልሐዜ ክል-ነፈር፡ ዲብ መደት ሐጫር ለልአትሐዝዩ ዐደድ ቆፎታት እንዴ ሸቀ፡ ዕሸል እግል ለአትባዜሕ ወአተላላዩ እግል ለአድምን ቀድር።
- ብዙሕ እተይ መዐር እግል ለአፍሬ'መ ቀድር።

ሰብት እሊ፡ ክሉ ዲብ ተዋብ ንህብ እግል ልትከሰእ ለልሐዜ ነፈር፡ ዲብ ቅሩቡ ዲብ ህለ መክተብ ሐርስ እንዴ

ጌሰ፡ ሐብሬ ካፍየት እት አግቡይ ሸቅየት እሊ ቆፎ እግል ልንሰእ ቀድር።

**ሰንዱቅ-ቆፎ እንዴ ሸቁ፡ ዲብ ወክድ ሐጨር እተይ መዐር ነአድምን!**


እብ ውዛረት ሐርስ ለልዳሴ ዓመድ











## ቢንያም ካልኦይ ዲጂቲታይዥን



አደቀብኸው” እት ልብል፡ ናይ ፖፓ ቸፋጎት ድቅብት ክም ዐለት ወደሐ።

እት ሰነት 2022 እግል ሰልፍ ኢነቲ እትላ ጅግረ ለአተ ቢንያም እትላ ናይ 1.UWT መቀየስ ለቡ ጅግረ እት ሻረክ ዲባ ኢነት፡ እብ ቤናት ኮሰነፍሮይ ወሚካኤል ማቲውስ እንዴ ትብደረ ሳልሳይ ደረጃት ጸብጥ ክም ዐለ ልትዘር።

አሊምፕያይ መትባድራይ ናዲ ኢንተርግርፕሽን ቢንያም ግርማይ፡ ለሐልፊት ጅምዐት እት ከናደ እት ናይ ሐቲ ምዕል ጅግረ ካልኦይ ፈግረ።

እብ ሻላተ እግል ቢንያም እንዴ ቡድረ እብ 44፡45፡36ካ፡ ተዐውተ ዲቡ። ሚካኤል፡ እት ሰነት 2018 ወ2019 ደርብ ሕድ እትላ ጅግረ ዕውት ሰበት ዐለ፡ ምሴት ጅምዐትም ሃትሪክ እግል ልቸቁ ቀድረ።

እሊ 201.6 ኪሎምትር ለሪመ መሳፊት ለገልበበ “ግራንድ ፕሪንስ ሳይክሊስት ዳ ኩቤክ” ለልትባህል ጅግረ፡ ናይ ዱረት ትልህያቱ ለዐለ። እት መዲነት ኩቤክ ሐቲ ዱረት 12.6 ኪሎምትር እት ገልበበት እቲ መካሪት ምድር፡ መትባድረት 16 ዱረት ከለው።

እብ ብዘሐ ዐውቲታቲ ምስል ፔተር ሳጋን ወሳይሞን ገራንስ ድቡል እንዴ ዐለ ህዩ፡ እብላ ዐውቲ እል ሕሳል ሚርሐት እልቡጥ ህለ።

እት ብድረ ክላሲክ ምሮ ምን ዕን ለልሰሕቦ መትባድረት ጋብእ ለህለ ቢንያም ግርማይ እብ ጀህቲ፡ “አክር እግርይ ተአመጸኒ ሰበት ዐለት ሰግጎት ምን ከልአተኒ፡ እብ ፍንቲት ፖፓ እት ናይ ደንጎበ ክልኤ ዱረት ለአርአየ ሸፋጎት

ቢንያም እት ሻምፕዮን ዐለም እግል ወጡ እንዴ ኢልተልኔ፡ እሰልፍ ምን ካናደ እንዴ ኢፈግር እት ዮም 15 ሰብተምበር፡ ክምሰልሁመ ለመጽአ ዮም 22 ወ25 ሰብተምበር እት ቤልጅም ናይ ሐትሐቲ ጅግረ እቲ እግል ልሻርክ ስታት ጸብጥ እሉ ህለ።

እምበል እሊመ ናይ እለ መደት ጎክ ለሐሰ መትባድራይ ዐጀላት ለህለ ታደይ ፖፓ እት ዱር ፈረንሳ ሐቆለ ተዐውተ፡ እግል ሰልፍ ዶሉ ቱ እትላ 13ይ ጅግረ እንዴ ተልህ ሳብዓይ ስትረተቡ። ፖፓ ምሮ ምን እት ናይ ዮም 29 ሰብተምበር ለጎብእ ጅግረ ሻምፕዮን ዐለም እግል ልትዐውቶ ለልትሰአው መትባድረት ቲ።

## ክቅኪም ምግብ፡ ናይ መጀመሪያ ትኩረት ካክሶ ዲጂቲታይዥን ተመ

ሻምፕዮን ካልኦይ ዲጂቲታይዥን አቅሊም ምግብ፡ ለሐልፊ ሰነት እት ስታድዮም ቼፍር ንኡሽ ናይ መዲነት አሰመረ እብ ገብእ ጅግራታት ተመ።

ሰንበት ንኡሽ እት ገብእ ትልህያታት፡ አክርየ እግል ገጀረት ወቅዋት በሐር እግል ቅዋት ጀው ሐድ እብ ትመሰል ነቲጀት 1-0 ቀልበዎም። ፍረቅ ፓራዲዞ እግል ጸጸራት 5እብ፡ ወደንደን እግል አርበባቲ አሰመረ 7እብ2 እብ ርሐብ ቀልበው።



ማሌ ለህ እት ገብእ ትልህያታት ፍረቅ መጀመሪያት ‘ለ’፡ ሰነ ምህም ዐለ ሰበቡ እት ተሌ መርሐሰት ለልሐልፍ ፈሪቅ ለልሐድድ ሰበት ዐለ። ምን ፈሪቅ መረብ-ሴቲት፡ ቲራቮሎ ወመአሰሰት ዘርእ ወተዋብ ንዋይ ለልሐልፍ ፈሪቅ አትሐዘ። ምሮ ምናም ህዩ፡ ምስለ ቀደም እለ ሓልፍ ለዐለ ፈሪቅ ዕዳገ-ሐሙስ እግል ልተልኔ ዐለት እሉ።

ፈሪቅ ዘርእ ወተዋብ ንዋይ እግል ክምሰሉሁ 9 ንቅጡት ሌጠ ለዐለየ እሉ ፈሪቅ ገዛባንዳ 2-0 እንዴ ቀልቡ፡ ንቃጡ እት 12 ወቀለ። ሐቆህም ለተልህ ቲራቮሎ ወመረብ ሴቲት ምን ልትቀለብ እሉ፡ ናይ ሐሊፍ በክት ዐለ እሉ።

ምናተ፡ እት አወላይ ሾኑ ሕፋን እት እንቲ ለትባገሰ ፈሪቅ ቲራቮሎ፡ ምን ገጽ ሐር ላተ እንዴ ትባርገዐ ሐሊፍ እት ክጡረት ለካሪ ፈሪቅ ገብኡ፡ እግል ሰንበል እብ ከም ሓይል-ማይል 1-0 እንዴ ቀልበ ህዩ፡ ንቀጡ እት 14 ወቀለዩ። እግል ናይ ፈሪቅ ዘርእ ወተዋብ ንዋይ በክት እንዴ አጸልመተ ህዩ ፍገሪት መረብ ሴቲት ትታክ።

ላኪን መረብ ሴቲት፡ እግል ሓልፍ ለዐለ ፈሪቅ ዕዳገ ሐሙስ 1-0 ሰበት ቀልቡ፡ ንቀጡ እት 14 ንቅጡት ትወቀለ። እብ ብዘሐ አግዋል ህዩ እግል ቲራቮሎ እንዴ ተዐርረ እት ሰር ነሃየት ሐልፊ።

እብላ ህዩ፡ ምን መጀመሪያት ‘ሀ’ ፓራዲዞ ወቅዋት ጀው፡ ምን መጀመሪያት ‘ለ’ ህዩ፡ ዕዳገ ሐሙስ ወመረብ ሴቲት ሐልፊው። ለትመጽእ ሰንበት ንኡሽ ህዩ፡ መረብ ሴቲት ምስል ፓራዲዞ፡ ቅዋት ጀው ምስል ዕዳገ ሐሙስ ናይ ደረጃት ሰርነሃየት ትልህያታቶም ክም ወዱ ዕሳቃት ዓም ፈደሬሽን ኮበሪት እግር አቅሊም ምግብ ለሐብር።

## ፍረቅ ፕሪመር-ሊግ፡ እት 4፻፲፱ ሳምንቱ



ሊቨርፑል 4-ዛም እት እንቶም



ኖቲንግሃም ፎሬስት 1-0 ሊቨርፑል

ለድቁብ ፍረቅ እንግሊዝ ፕሪመርሊግ እትላ ራብዓይት ሳምንቱ ጸብጥ እቲ ለህለ ወክድ፡ ትልህያታቲ ዋዲ ዐለ። እትላ ሳምን መዋመጦሩ ሻምፕዮንስ ሊግ ገብእ ለዐለ ትልህያታት ፕሪመርሊግ፡ ገሌሁ ፍረቅ ሀጎጋይ ለአርአ እቲ ዐለ።

እት ፍገሪትላ ሰነት ለጎብእ 10 ትልህያታት፡ ማንቼስተር ዩናይትድ እግል ሳውዛምፕተን 3-0፡ ኖቲንግሃም ፎሬስት እግል ሊቨርፑል 1-0፡ ማንቼስተር-ሲቲ እግል ብሬንት-ፎርድ 2-1፡ አስቶን-ሺለ እግል ኤቨርተን 3-2፡ ቼልሲ እግል ቦርኔማውዝ

1-0፡ ወኒውካሰል እግል ዎልቭስ 2-1 እት ቀለቦም፡ ፋልሃም ወዩስትሃም 1-1፡ ክሪስታል ፓላስ ወሌስተር-ሲቲ 2-2፡ ወብራይቶን ወስዊትታውን 0-0 ትፈናተው።

እት ሐልፊት ሰንበት ንኡሽ ምስል ገናድ ፈሪቅ ሊቨርፑል ለተልህ ኖቲንግሃም ፎሬስ ታሪክ ለሸቀ ዲባ ምሴት ዐለት። ሐቆ ናይ 55 ሰነት እግል ሊቨርፑል 1-0 ለቀልበ ከለአድነኑ ኖቲንግሃም፡ ታሪክ ሰር ዘመን ደግመ። ኖቲንግሃም እግል ሊቨርፑል እት ሰነት 1969 ቱ አክር ኢነት ለቀልበ። ሊቨርፑል ግሪ እለ እተ ወደዮ ናይ እሊ ምውስም ትልህያታቲ፡ ሐር እግል ኢለአቅብልመ መሐልገን ርያደት ፈርህቶም ሸርሐ። ሰበቡ ማሌ ለህ ምሴት፡ 70 ምእታይት ምልክየት ኮበሪት እት ከፋ ለዐለት ሊቨርፑል፡ ጎል እግል ለአቲ ምን ኢቀድረ! ኖቲንግሃም ብዘሐ ክወር ምን ኢልሰሕት ህዩ፡ ሊቨርፑል ዝያደት አግዋል እንዴ ረፍዐ፡ አክጀህ ወትሳረክ በህለት ለአግዋል ኖቲንግሃም እት 1እብ0 ወኢብጥረ።



## ሐሊብ ውጫር ዲብትን ትሸረሐ ስብሮ - ዓጭም ዶር ክምቡ ትሸረሐ

ባሕሪን ጃምዐት ሁባይ ቻይን እት ሐሊብ ውጫር ለሀላ እብ 'ላክቶባሊሊስ ካሲ' ለልትአመር ባክቴርያ እግል ለትሰበረ አው ለትሰበረ ዐጭም እብ ሻፍግ እግል ለአጽብጡ ወሐቀ ዐመልየት ዓጭም ምነ እግል ልምጸእ ለቀድር አረር እግል ልዓራዕ ክም ቀድር አክደው።

ምሰባር አው ምሰባር ዓጭም እት አግሩዝ ወደገልል እብ ብዝሐ ለሳድፍቱ። ለትሰበረ ልግበእ ወለትሰበረ ዓጭም እብ ይብስ እንዴ አሰርከ አውሙ እብ ዐመልየት ዶል ተአጽብጡ። ለዓጭም ለልአትላጥእ ሸይ ወክድ ለጠልብ ወሰደፍ ህይ አረር ለወዴ አግቡይ ክምቱ ትሸረሐ።

ጀርቤ ናይ እሊ እት ምን ሓገን ለትሰበረየ ዐነጺት ለገብእት ተ። እት ጀርቤ ለትሰበረየ ዐነጺት ሰረን ለልሙድ ዘኑድ ሐጺን ገብእ እግለን እት ህሊ ለሰረን ህይ ብ 'ላክቶባሊሊስ ካሲ' ለትገልበበ ሐጺን ገብእ እግለን። ሐቀ ናይ ሰማን የም መታብዐት ለልሙድ ሐጺን ለገብእ እግለን 16 ምእታይት ምን ስብሮህን ለሐይ ዲብ ህሊ። ለባክቴርያ ለገብእ እት ሐጺን እቡ ለትዘይየ ህይ 30 ምእታይት ሐቶት ክም አርአየ ለባሕሪን አፍህመው።

ለዐ-ለመእ ብሕሪ ዐመልየት ለገብእ እት አግቡይ ዘኑድ ዓጭም ለትተከለ ሐጺን ምሰል ዓጭም እት ለጥእ እት ወክድ አረር ክም ወዴ ለአፍህም። እሊ ናይ ሐሊብ ውጫር ላኪን እግል ዲብ ወቅት ጸቢጥ-ሐቶት ለመጽእ አረር እብ 99.9% እግል ለአንቅሱ ክም ቀድር ምነ ጀርቤ እግል ለአምር ቃድራም ህለው። እሊ አሰክ አይ ዲብ ኡዓም ለኢትጀርባት ጀርቤ እብ ተውላክ ድራሳት እግል ልግበእ እት ክምቱ ለሰብ መቅደረት ለሐብር።


ስብሮ ዓጭም ለሳደፊዩ ነሬር ህይ። ዓጭም እብ ሻፍገት እግል ልጽበጥ ክም ፕሮቲን፣ ካልሰዩም፣ ሻይታሚን ዲ፣ ሻይታሚን ሲ፣ ሐጺን ወፖታሰዩም ለቡ ነበሪት እምበል አትካራም እግል ልትመወን ልትሐራ። እብ ተውላክ ሰተይ አልትን እብ ትሉሉይ ሰተየት። ጨውት ለበዝሐት እት ነበሪት ብልዐት። ክምሰልሁ መብሕ ቅያሰ ቡን ሰተየት እግል ዲብ ወክዱ እግል ልጽበጥ ለወጅቡ ዓጭም ሰበት ለትአክሩ እግል ኒደዩ ክም ኢወጅቡ ሰብ መቅደረት ናይ እሊ መጃል መክር።

## ጨቁት-ጽሑፍ ለልአረቅቅ ግዛት ክም ናቅሰ ጥብረት

እት ጃምዐት ብሪሰቶል ዲብ ገብእ ድርሳት ቅያሰ ለዲብ ሀወእ ለሀላ ዲብ አርቀቀት ጠበቀት አዞን አካን ዐባይ ክም ጸብጥ ልትሸረሐ ለጸንሐ ኪማእያት ምነ ለሐልፊ ሰኖታት ክም ነቅሰ ተሐብረ።

እግል ጠበቀት አዞን እብ 'ሃይድሮ-ክሎሮ-ፍሎሮ- ካርቦን' ለልትአመር ዲብ ወሰኑት ሓሳት ሐፋነት እዲን ተረት ላቡ እኩይ ግዛት ክምቱ ልትሐበር። እሊ ድህር ናይ ነዲድ ቢቃዐት ክምቡ ለልትአመር እት ተላጀት። ቢፍባፍ ወመጠብለል አው መዐሸጊ ህሊ። ዲብ ሰነት 1987 እት ሞንትርያል ለገብእ ወዕሉ ዲብ አፍረዮት ወመትካፍያት ጠበቀት አዞን ለልአረቅቅ ኪማእያት ትፋር መራቀቡት እግል ትግበእ እትፋቅ ብጸሕ ዐለ። እሊ ምን ክድመት እብ ክምል እግል ልብጠር ቃድር ለኢህሊ። ምነ ለሐልፊ ሰኖታት ላኪን የም ዓመት ውቁል ቅያሰ ነቁስ ክም ትረኣ ትሸረሐ።

እት ሰነት 2021 ቅያሰ ናይ እሊ ለትብህለ ኪማእያት እት ለትወቀሰት ደረጃቱ ባጼሕ ሰበት ዐለ። ገሌ ምን



ጠበቀት አዞን እግል ልትበክእ ወቅያሰ ሐፋነት እዲን ክም ወቀለ ልትዘከር። ለሐልፊት ሰነት ለትርእ መትደሃር ናይ እሊ ግዝ እሊ ህይ ሐድ ምእታይት ምንግቱ። ለህህረት ላኪን እሊ ግዛት እሊ እብ ተማሙ እግል አንቀሳት ወወርክዮት ክም ልትቀደር ለትአርኤ እሻረት ክምቱ ለመመቅረሕት ናይላ ድራሳት ሐበረው። አፍረዮት ናይ እሊ ኪማእያት አሰክ ሰነት 2040 እግል ልብጠር ወጠበቀት አዞን እብ ለኢለአረቅቅ ኪማእያት ብዕድ እግል ትትበደል ቦርናምጅ ክም ህለ ለባሕሪን እብ ተውላክ ሐበረው።

## ክስሔ ሀወእ ስብሮ-ሰብራሚም ሰከገ ክምቱ ተአመረ

እብ ባሕሪን ጃምዐት ሞሽግባትን እት ለገብእ ድራሳት ክስሔ ሀወእ ስማም ሰከሪ ክም ሰብብ ተሐብረ። ስማም ሰከሪ ምር ምነ ዲብ እዲን እብ ብዝሐ ልትረኣው ለህለው ስማምቱ። እትሊ ወክድ እሊ ህይ። ሐድ 420 ሚልዮን ሸዐብ እድሞዕ ህሊ። ዓፍየት ለኢልህይብ ነበሪት ብልዐት። ሐረከት ለኢጠልብ ነቢር ወከረሾት ህይ ምነ አሰባብ ሰከሪ ክምቱ ለሰብ መቅደረት ሸርሐ።




እሊ ድራሳት ስማም ሰከሪ እት ለአለቦም ዝያድ ምር ሚልዮን ለገብእ አንፋር ቱ ለገብእ። እሊ ስማም ሰከሪ እግል ለአምጽእ ለቀድር አሰባብ እት ስላብ እንዴ አተ ለገብእ ድራሳት። እብ ለትጠወረ አላት እንዴ ትተላቱ ለገብእ። ቀደም እሊ ዲብ ገብእ ድራሳት ክስሔ ሀወእ ምሰል ስማም ሰከሪ መትጸባጥ ክምቡ ሸርሐ ምንመ ዐለ። ዲብ ሐድ ዐደድ መብተርከት ጋብእ ሰበት ዐለ ላኪን ተቅዩም ካሬ እግል ልትህየብ እቱ ቃድር ይዐለ። ክስሔ ሀወእ እብ ዕን እግል ልትርኤ ለኢቀድር ክም ቅባር። ርሰሐት። ተናን ወቅጠር ማይ

ለከምክምቱ። ለከሰሐ ሀወእ ዶል ነኡትንፍሱ። እሎም እብ ዕን እግል ልትረኣው ለኢቀድር ዲብ ሸኩብእን እንዴ አተው ዲብ አሰራር ደምን በጽሐ። ወእሊ ዲብ ደም ለበጽሐ ክስሔ ሀወእ ምሰል ወክድ ስማም ልብ። ሰድመት። ሰረጣን ወስማም ክላዊ እግል ለአምጽእ ቀድር። እምበል እሊ መ እግል ዲብ ደም ለሀላ ቅያሰ ሰከር ዲብ እግል ገርብ ለለትሐይ እግል ኢልትበደል እንዴ ክርዐ። ስማም ሰከሪ እግል ለአምጽእ ክም ቀድር ለባሕሪን አፍህመው። ህቶም አክረቱ ለአግደ ዒማት ክስሔ ላተን ድወል። ዓፍየት አምእት ሚልዮናት ምን መዋጥእንን ዲብ ብቀት እንዴ ኢልትካሬ እግል ለአሰንዩ ሊከ ቀደመው ዲብን።



ቀደም እሊ። እድንያይት መካመት ዓፍየት እት ለገብእ ድራሳት 99 ምእታይት ምን ሸዐብ እዲን ለከሰሐ ሀወእ ለሰተንፍሰ ክም ህለ ሕቡር ዐለ። ቅያሰ

## 10 ፍንጽት ስህር ሕዝሠ



## ሳድስ ወሬር ክብ ካርቱን

ንዛም ደርጊ ገእክ ስወህር ዳግ ልትገባሉ ካም ሰቅህተት ወዳ ክገኙልኩ 40 ጎ፡ ነቲ፤ትጎ ግህርህ እግል ልትገባሉ ጎክን ገእኩት ምርመት ጊሪክጎ። ነዞ ሊጅሱ ጅግል ልትረከባሉ ክት ጊቅሮ ጎክን ሰከት ገእኩት ሰራተሮ ስወህር ዳግ ልትገባሉ ገክጎት።

